

omni fluido liberati vel exsiccati anatome, si Experimentum fiat. Ex massæ enim sanguinis residuæ unciis quatuor effuso omni sollicito fluido ad siccitatē destillatis, liquoris aquei & lymphidi tres uncias grana tria & quinquaginta obtinuit Boyle; vid. Hist. Sang. hum. part. 3. pag. 22. Aut si mavis languinis exsiccati anatomen, an aquæas is suppeditaverit particulas, a Boyleo institutum experimentum rem declarabit; ex hujus quippe unciis viginti & quatuor modicūm prodiit phlegma, quod post sublimationem ad drachmas duas & quinque circiter grana collectum fuit, v. Hist. Sang. hum. par. 2. ad Tit. 24. pag. m. 20. de cuius præsentia, cum antea sensum fugerat, inerit dubitabatur; ut taceam Boylei testimonio quoque è sanguine eodem produisse spiritum, qui cum humidus, humiditatem autem remotâ servare aquâ nequivierit, sed salis induerit formam, sequitur, spiritum quoque de præsentia aquæ in corpore, è quo hic extrahebatur, testari. Qvod si jam dicta Viscido è sanguine producto humoris applicentur, & proportio minoris ad majus observetur, res, quæ modo erat dubia, omni veritate major erit.

§. 6.

Præmissa itaq; terrestrium & aquosarum declaratione, salinarum quoq; particularum in Viscido existentium eadem indagabimus methodo. Ante omnia autem præmonemus, per talia hic non volatilia, sed fixa intelligenda esse. Illorum enim cœpientia non in incrassatione seu inspissatione sed in resolutione consistit, ita, ut serum sanguinis etiam ab admisto spiritu salis ammoniaci fluidum redditum obser- vaverit Boyle, Hist. Sang. hum. part. 3. exp. 6. pag. m. 23. Horum autem contraria est ratio, qvod idem auctor per aliud explicat experimentum, cum fixo alcaliatò sale, oleo tartari per deliquium, idem ferè ac à spiritu salis in sero factum esse coagulum cit. loc. exp. 7 pag. m. 4. narrans. Et per magni Philosophi auctoritatem qvæ primaria, inquit salium qualitas est, maxime fixa esse, hoc est non facile in vapores soluta attolli, Meteor. cap. 3. §. 6. confirmans. Unde facile licet conjicere, in texturâ Viscidi accuratius inspecta, tale quid reperiri, qvod tenacitatem & soliditatem, adeoque combinationem promoteat, & hoc est sal, ad mentem Excellent. Bohnii Medit: d. Aeris in sublunaria influxu Dissert. II. §. 24. 25. Qvod si jam illud ipsum acidum magis sit, particulae alias oblongæ & acuminatae inter se magis conjunguntur, quadra-